

南社叢選

貫成署





由國家圖書館數位化、典藏

南社叢選

詩選卷十一

涇縣胡韞玉樸安選錄

魯望詩選

孫變齊字魯望安徽壽縣人今錄詩四首

初秋卽事

庭院秋陰向晚涼。碧窗簾影透花香。淡紅淺綠無窮意。細雨芭蕉護海棠。
古木荒涼掩薜蘿。涼風晚眺意婆娑。傷心不解塵中事。情淚無端秋更多。
秋思不懷鬢欲華。青燈閒對葛巾斜。梧桐簌簌西風夜。落葉蟲聲滿茜紗。
重門夜掩悄無聲。枕簟清寒夢不成。書卷拋殘更欲斷。帳紋如水篆烟輕。

少華詩選

李光字少華安徽太湖人今錄詩四十七首

贈穉蘭

立國二年四月十日稗蘭投我長書。血淚模糊。不知是字非字。有字無字。通夜視之。爲之不寢。早起忽忽。若有所失。欣欣若有所得。走筆作歌報之。亦不知是字非字。有字無字也。稗蘭見之。或亦若有所失。若有所得乎。

交臂失君龍江樓。傾心遇我虎林道。湖海新憐邂逅遲。風塵舊愧交遊早。爲君一笑脫形骸。爲君兩淚落懷抱。君之意氣何軒昂。君之顏色何枯槁。君之頭角何崢嶸。君之情緒何惻怛。知君不屑伍絳灌。知君不屑師郊島。知君不爲魯二生。知君不爲漢四皓。知君腸斷君猶迴。知君心碎君猶擣。神憎鬼瞰知君忘。人亡邦瘁知君惱。我爲君獻破酒瓢。我爲君獻賸詩稿。祝君莫使書劍廢。祝君莫負身手好。英雄甯受時勢羈。時勢原仗英雄造。龍江之龍龍已顛。虎林之虎虎已倒。邊氛願君投筆掃。逆虜願君飛檄討。踏天割雲日杲杲。時利雖逝風偃草。君乎君乎慎勿等閒老。寤寐求之香花禱。

870.8
8473
v. 11
河山四律

白社黃墟寒風大樹琴碎心痠車迴腸痛此間血淚我輩爲多碌碌名利兒事公卿驕妻妾之不暇又安知人間世有所謂此等事耶近詩四首牢愁萬端聊贈穉蘭不足他道

河山帶礪等閒封。慚愧旂常負鼎鐘。管子偶猶誇老馬。葉公原不好真龍。樊樓燈火輪囷膽。燕市壺觴塊磊胸。將帥凋零鞞鼓動。四郊壁壘九邊烽。

大樹寒風故舊情。酒酣耳熱短長行。我知狐語非佳識。誰說雞鳴是惡聲。囊本無金收駿骨。秦猶有筆點龍睛。乾坤震盪肝腸在。整頓交遊共死生。

將軍一去客三號。瞻望雲霄弔羽毛。悔有歌吟驚宇宙。忍無涕淚哭賢豪。邱墳我已懸徐劍。湖海人猶著范袍。可汗闕氏逃遁盡。臨洮風雪葬弓刀。

青鸞消息白鷗盟。辜負男兒好姓名。屈指英賢將老大。舉頭寰宇未澄清。風懷

偶託三天竺。涕淚曾揮五國城。邦瘁人亡今古恨。所南思趙我思聲。余別署思聲

國家圖書館



002554450

101489-75

感事寄秋葉用原韻

侘僚君猶憐正則。升沈我不問君平。傳聞易水高歌事。想見昭陵慟哭情。罵座人惟羸一死。叫閤客亦悞三生。素車白馬紛紛甚。寥落雲天范巨卿。

贈鄒賸庵兼質若虛子昶諸子

記取春頭臘尾時。寒梅孤嶼結交遲。青衫憔悴曾憐我。紅豆纏綿却贈誰。萬劫忍談翻覆手。十年羞畫淺深眉。江關蕭瑟君知否。人賦招魂鬼唱詩。

歐梅韓孟幾參商。一見艱難盡十觴。心血君憐唐李賀。文章我愛漢鄒陽。白門說夢燈無燄。青島談兵劍有芒。老大健兒成倦客。徘徊帷帳負疆場。

蒼茫歌哭驚餘子。寥落關河訪賸庵。萬國兵戈橫槩望。一天風雨翦燈談。將才君戀徐城北。詩品吾慚陸劍南。

君謂余詩似學放翁

顧吟琴樽添感慨。虎林光景似龍潭。

飄零大樹故將軍。燐火螢飛認馬羣。笳鼓驚聞鄆氏邑。旌旗悵望岳王墳。甲兵有劫誰能洗。筆硯無功我欲焚。蒼狗黃龍俄頃事。雌隼杯杓待諸君。

聞亞子秋葉穉蘭諸子讌集杭州西園有作

分湖隱逸聖湖遊。

秋葉近有題亞子分湖舊隱圖詩

一笑登臨百尺樓。南社文章傳烈士。

亞子于南

社集中述吾友孫竹丹被禍事甚詳

西泠歌哭集名流。唱酬有作題龍井。夢寐無聊記虎邱。

南社

吳門虎邱

賓主賢豪山水好。未能拋去且勾留。

偷閒偶覓騎驢路。弔古聊登立馬峯。血淚春航新樂府。

稗闌于春航有故舊之好。昨日書來謂觀所演

血淚碑。賠淚不少。鍾情者。固應爾爾。

海天秋葉舊詞宗。

秋葉著有海天橫涕樓詩文集

柳州身世書千卷。林社年

華酒一鍾。文事武功零落甚。乾坤意氣想元龍。

題亞子分湖舊隱圖

低徊松菊感榆枌。夏屋秋墳記見聞。結社何如孫孟樸。移家竟似郭靈芬。雲天

寥落能憐我。騷雅陵夷幸識君。莫向新交誇舊隱。分湖風景要平分。

珠簾金粟都零落。芳雪疏香幾變更。曲唱竹枝思粥粥。詩題桃葉弔卿卿。浮家

泛宅梨川夢。尋壑經邱栗里情。我亦欲歸歸未得。江南啼盡鷓鴣聲。

友人劉競生續學保定詩以送之

新亭舊院夜模糊。君太飄零我太孤。縞紵慣交屠狗客。撻蒲忍逐牧猪奴。千秋人物談燕趙。萬劫河山弔越吳。意氣飛揚身手好。勉之行矣莫踟躇。道路艱難阻且長。探丸擊劍少年場。狂奴未屑誇三戶。猛士猶能守四方。收拾邯鄲新枕席。摩挲豐沛舊壺觴。玉關風雨今閨夜。不夢漁陽夢保陽。

贈別釋蘭卽次其贈別春航原韻

三疊歌殘勸一觴。栖皇出處怕思量。掉頭湖海心猶壯。舉目邯鄲夢正長。匹馬西泠辭故舊。隻雞南國弔徐常。餘生賸淚須珍重。莫灑箏琶粉墨場。

集詩述感 并序

林先生述庵西河先覺東越前修憂患剝膚呼號嘗膽彌天醉夢豈有解人舉世曠聾自無知已雞鳴鶴唳蕭寥澤畔之吟虎倒龍顛激烈市中之哭只謂衡門之下不可棲遲甯知臥榻之旁竟容鼯睡窮難送鬼

何以生爲憂易傷人宛其死矣殉身殉道百篇嘔血之詩爲英爲靈一段傷心之史中原事業望之友朋絕域功名期諸子弟雙丁二陸並擅文章伯海仲江盡爛韜略十年教戰鳳凰臺之裘帶從容九世復讎鸚鵡洲之弓刀踴躍紀功麟閣振起後生垂訓鯉庭低徊先德光也故是恨人原非健者杞憂家國蓬累塵埃皮骨僅存慣惹新人之笑肝腸具在忍忘故鬼之言或泣或歌深情一往亦儒亦俠尙論千秋傳者舊于來茲我慚後死數英雄于往日誰似先生警世歌吟旁無餘子名山衣鉢代有傳人柳松陵赤縣推袁良有以也林畏廬黃墟說項豈徒然哉玉磬金鈴神傷異世銅琶鐵板淚灑同情唱到遺篇直是昭陵之慟集爲絕句莫非易水之聲點竄典謨心乎愛矣棲遑身世詩以言之

梅花無主臘樓臺。雲水蒼茫畫角哀。慷慨軍門長揖地。可憐紅盡玁羊灰。

陸沈終古弔神州。倦眼摩挲一倚樓。迸出英雄兒女淚。江聲猶咽秣陵秋。

故我依然老據鞍。肯隨雞犬事劉安。狂生意氣書生膽。滄海西風一劍寒。
一騎樊樓日暮時。風塵無路去何之。賈生年少終生弱。枉抱中原萬里悲。
暗風吹雨峭寒天。鵠象蹉跎負盛年。門巷蕭條酬應懶。英雄末路一青氈。
萬里中原付夕陽。海天空闊氣蒼蒼。猖狂潦倒真無賴。爲汝悲歌酒市旁。
膽落窮途氣尙狂。瓣香樽酒共悲涼。板橋夜月秦淮水。莫聽琵琶又斷腸。
半壁山河話戰爭。布衣空負魯連名。一腔弔古傷時血。嗚咽江天有恨聲。
暗裏傷心兩地關。感秋何事唱刀環。知君大有牢騷意。風雨江湖獨去還。
眼前人物幾低昂。草草南朝夢一場。歷盡蒼茫身世感。悲歌爲汝按伊涼。
賈生年少阮生狂。潦草風塵困一場。試隔江湖橫涕望。十年前事費思量。
手無柯斧奈時何。一片堂堂白日過。回首秦淮春泛夜。鐵簫聲咽不成歌。
風塵我亦擅狂歌。觸目荒涼淚更多。剩得行間心血在。黃公壚下感山河。
天荆地棘莽樊羅。豺虎縱橫壓兩河。父老傷心談殺逆。更無將帥起廉頗。

黑風捲地黃沙起。兩生相見忽狂喜。朱家郭解汝何人。拚擲頭顱報知己。
不堪歸棹斷腸時。一把蘼蕪繫夢思。拍拍頭顱自期許。可憐生是好男兒。
浩浩江天動遠悲。熱腸和淚寫憂時。秦淮月色西湖水。淒絕東南紀事詩。
酒市相逢不相避。傷心儘有樽前淚。豪情湧激干雲霄。英雄失路尋常事。
滅虜招呼岳武穆。悲風捲埃翳心目。中原旗鼓幾英雄。把劍登臺一痛哭。
遮莫滿懷都是血。三生意氣一時絕。馬蹄亂翻踏閻餓。會須痛飲盧龍雪。
虬髯反磔蝟毛蟲。睥睨乾坤醉夢途。讀破孫吳不一試。至今頭白走江湖。
長嘯蘇門發浩歌。荳蘭憔悴暮江多。酒邊聽雨愁邊話。成敗其如一死何。
復讎慷慨論殊勳。大雅春容迥不羣。十萬橫磨兒戲耳。當年誰識故將軍。
文心比髮細三分。可惜悲歌人不聞。無可如何身世感。歲寒高誼獨推君。
深秋薄暮走訪秋葉長談痛飲並以所著幕府集出示感呈四詩

蟹肥菊瘦酒淋漓。又是秋深日暮時。處士家風原淡泊。勞人身世太支離。十年。

歷落疆場夢一卷蒼涼幕府詩愁絕玉簫山館裏淒音苦調木香詞

遮留舊雨試新醅不賦秋聲話劫灰半壁幾回興廢事亂山一慟死生哀

亂山何處

葬將軍秋葉悼頌南句也

肯將文酒娛殘客忍向鄉關老霸才三竺六橋宜戀戀當年曾住

竺橋來

留得千生萬劫身徘徊舊國覓殘春再逢湖海黃鬚叟重弔乾坤赤手人

赤手乾坤

瓶造來秋葉贈伯先句也

才氣鬱爲詩事業肝腸迸出酒精神刀頭血與樽邊淚俄頃滄桑

迹又陳

海天空闊獨踟躇多難餘生氣尙轟朋舊存亡談白下山河殘破坐黃墟窮途高誼師兼友亂世雄才俠亦儒鐵馬煩憂緣底事西臺涕淚滿西湖

將遊燕薊留別秋葉仍用前韻

海天涕淚幾淋漓戰酒停驂又一時生自嘔心從李賀死當埋骨傍要離宅桑門柳歸田約白草黃沙出塞詩記得玉簫惆悵曲斷腸不止悼亡詩

迴腸盪氣可憐身。孤負湖山斷送春。鴻爪西冷新舊夢。馬蹄北道別離人。滄桑
弔古傳無賴。生死論交劍有神。兩點金焦雙血淚。悠悠膠漆說雷陳。
度青詩選

奚侗字度青安徽當塗人今錄詩十五首

霧泊遼海同中冷作

冰夷邀路噓神霧。鬼膽如懸此歇船。一白空濛無衆相。四方迷惑况諾天。鬱伊
海氣將爲雨。慘澹陽光儘化烟。咫尺仙山通寤寐。憑欄坐待水澄鮮。

過馬關

一撮馬關開海市。鱗鱗樓閣出青蒼。低昂具有憑虛意。棲息都窮鑿空方。終見
大波能迫促。甯容餘地與回翔。潮頭問訊安期子。且待斯須看種桑。

辛亥歲暮雜詩

八國垂涎舍利子。西來健者又阿闍。天風吹滿羣龍起。奪得魔王佛口鬚。

望門托鉢幾何年。天食天衣儘棄捐。叱起羊車出塵海。不因風緊便迴鞭。
五千年後此金剛。龍象紛爭過電光。至竟非天魔眷屬。蠹衣膜拜轉輪王。
黽穴鳩巢喋血新。河山一片白如銀。魔軍摧伏休兵仗。青史都無貳負臣。
十界搖搖一口吹。羌胡邊雜有降師。我從五色光中笑。枯樹花開百歲時。
神力調和鬼母心。遠臣嘿嘿近臣瘖。誰憐趙氏無炊火。計歲猶分贍部金。
脫牙馴象泣門欄。長嘯猿公坐樹端。難得緋衣孫供奉。須臾寄住護天冠。
來往虛塵卅六巡。天王帝釋返金輪。色無色界矜平等。地獄重重有主人。

題亞子分湖舊隱圖

圓澈心精裏十方。空塵隨處足迴翔。抽刀不斷滔滔水。誰解松陵與魏塘。
名字非真相亦假。隨緣停憩攝心塵。畫身畫業畫煩惱。爲欠分湖管領人。

題鈍根紅薇感舊記二首

說苦不必非滿願。成佛不必非妙聲。刺血作書感舊記。吐絲張網紅薇生。

仙人名字玉瓏玲。讚歎能令四衆聽。閱五百年終不壞。此書賽過報恩經。

匪石歸自檳嶼賦此貽之

吞。羶。啄。腐。無。窮。盡。手。頓。天。羅。惟。汝。雄。投。策。溟。池。凌。愛。水。迴。車。江。介。共。悲。風。猶。能。
醉。飽。百。憂。底。暫。與。歌。呼。萬。鬼。叢。照。海。歸。雲。迷。處。所。伸。眉。吾。欲。日。輪。東。

瘦月詩選

王橫字瘦月安徽歙縣人今錄詩三首

哭子美

索居憶舊歡。舊歡忽已墜。索居念故人。忽報故人逝。春雨打我窗。猶記聯牀睡。

余在海上與子美同居一室春風吹我襟。猶記人如蕙。猶記少年場。因緣識柳李。余于去夏

識亞猶記雲起樓。花香助人醉。去夏南社雅集愚園雲葬華不復榮。蘭玉遽凋

替得母太聰。穎故爲造物忌。得母憤世深。飄然竟相棄。踪跡類優曇。倩影誰能

致。白駒驚電馳。人生本如寄。鷄蟲競空烈。神龍偶一至。森森山頂松。淒淒霜後

卉安命。自能樂。何必悲。所際中宵悼。故人欲哭。渾無淚。

春感用黃仲則韻

芸牕新換紵羅紗。寂寂空庭日影斜。酒爲添愁常怕飲。藥難療病倍思家。江花得露呈歡靨。水鳥驚風搏碧沙。最是無聊閒作客。每逢佳節感韶華。畫簷隙處斗梢橫。一刻春宵萬里情。彩鳳倦飛求木集。斷雲戀岫繞山行。絳梅影送枝頭月。鐵笛風驚馬上聲。祇有清狂忘未得。舊時恩怨不分明。

善之詩選

程善之字善之安徽歙縣人今錄詩二十九首

自蕪湖至徽州道中

空山百里程。茅茨數間屋。曉伴鶩駘行。夕共牛羊宿。屋前何所有。古木間修竹。屋後何所積。山中刈新穀。倦遊得此息。倚枕夢先熟。明發別主人。更與輪蹄逐。遙峯踞怒貌。迎人攫欲起。仄徑俯飛鳥。屢進乃旋止。馬瘡僕告瘁。行行涉其屺。

捫籐暫憩息。仰天空拊髀。心急足轉疲。十里疑百里。回顧采樵人。白雲生足底。窮嶺三千尋。排雲入雲上。叢叢攢羣峯。馬鬣俯欲下。過者氣爲盡。低首不能仰。盤回忽入谷。途窮目爲眴。陰巖砉然開。斂天入一線。仰觀霧氣升。半峯巨匹練。山鳥方嚶嚶。山花自萋萋。日暮車馬繁。紛紜如蟻緣。

和孟碩獄中詩

回首江山落。照中空餘劍。氣斗牛。紅東風。已誤黃公覆。北海誰哀翟。義公浮世紛紛各。蠶觸塵寰擾擾尙雞蟲。道高一尺魔千尺。莫問雲天第幾重。漫向秋旻寄怨思。照人依舊是鬚眉。常山舌在心。猶壯南史書。存手自持披髮。縱無天可訴。懸眸仍有鬼能知。湘灘南望愁雲晏。萬里鄉關歲月遲。蘭摧玉折話伊誰。躑躅迷陽吾道非。贈策漫教論往事。纓冠竟自失先機。東南金粉消魂易。西北高樓志願違。巫陽歌楚些。杜鵑已喚不如歸。

擬古

蛟螭得天時。鯨鮪寧追攀。猛虎失草翳。不如狸與狴。彪彪功名士。乃出蓬蒿間。身不滿七尺。心雄於泰山。朝爲階下囚。暮啓千重關。慷慨一長嘯。手撫黃金鑲。昂昂登壇坫。大義驚人寰。從茲致青雲。意氣驕通闌。衣錦返故鄉。騎從何般般。前車擁賓客。後乘載小蠻。健兒夾道立。刀戟森成班。輕塵漾華轂。左右雙雛鬢。父老舊相識。欲語心先孱。卻願車中人。非復當時顏。君家盛桃李。那不遺榛菅。長歎喟然去。掩袂空潛潛。風波起談笑。變化無餘閒。舉棋覆前局。肘掖生嘲訕。囊底智已叩。觚破不成圓。千金鹿盧劍。翻自剗胸肝。萬金買死士。一散無復還。此怨不能報。此恥不可刪。匆匆耀聲勢。甯知險與艱。豈期一旦暮。世局多循環。時來奮英烈。運去遭神姦。北望太行道。涕淚徒潺湲。

贈陳子松藤

問天爲無情。如何月圓花好人。英英問天爲有情。如何花殘月缺嚴霜零。有情無情偶然耳。天地何曾著悲喜。人生天地間。飄泊如浮萍。浮萍無根亦無蒂。但

有風水相仍。因孰爲主人。孰爲賓。孰爲仇讎。孰爲親。一身終始不自在。顛倒悲
歡離合還相噴。我願從此得解脫。飄搖變化隨風塵。有時化作比翼禽。無奈矰
繳長相尋。有時化作卷施草。可憐有葉心難死。有時玉京作神仙。桑田滄海仍
咨嗟。有時南山作頑石。祖龍鞭痕血猶赤。乘風歸來望八荒。五洲萬國何茫茫。
血腥未了巴爾幹。怒潮又撼太平洋。浮空便向星球去。獨望南天淚如雨。銀漢
無槎彗孛橫。七十二纏俱失序。偃偃無所之。依舊歸人間。人間有我在。何處無
憂患。憂患之原原屬我。我身一了無。不可領取虛空無住時。往古來今徒瑣瑣。
把君手爲君陳。我有一言君莫嘖。我生與君俱不薄。還與造化相主臣。窮通苦
樂有時異。總是飄泊非沉淪。良宵剪燭各爾汝。已見遭際殊常倫。波流茅靡但
一笑。眼前萬物方回春。

歌浦冶春詞

春魂半睇鴛鴦紅。美人一笑花玲瓏。鴉鬟醉鞞玉釵溜。星眸冷送玻璃風。揉粉

搓酥作春蕊。燕昵鶯嬌不成語。絳焰時飄蠟。鳳香綵雲自擁山。鷄舞舞罷歌闌巧。笑多家家兒女。鬥雙蛾。黃塵十里東風晚。寶馬香車奈若何。

寄洪棣臣金陵

人。何。爲。有。車。馬。使。君。欲。住。促。君。往。地。何。爲。生。山。川。使。君。欲。來。不。得。前。憶。昨。送。君。揚。子。江。江。頭。激。浪。聲。淙。淙。孤。舟。腹。風。疾。于。矢。直。向。建。業。浮。輕。艫。那。知。寄。書。來。君。仍。不。得。意。仲。宣。樓。登。惟。有。愁。正。平。刺。滅。空。存。字。吾。聞。建。業。古。帝。都。大。江。襟。帶。雄。三。吳。秦。淮。流。水。豔。千。古。湘。蘭。橫。波。今。有。無。君。今。弔。古。登。遺。墟。左。携。美。人。右。提。壺。傾。觴。盡。醉。狂。歌。呼。興。酣。題。句。探。驪。珠。書。生。意。氣。差。堪。娛。何。事。俯。仰。溷。里。胥。鬱。鬱。斯。世。胡。爲。乎。自。從。君。去。我。亦。懣。思。作。狂。遊。一。疎。散。安。得。長。房。縮。地。符。握。手。歡。然。與。君。歎。勸。君。慎。勿。嗟。數。奇。勸。君。勿。作。窮。途。悲。麟。角。鳳。嘴。世。莫。識。會。看。煎。膠。續。絃。時。

登北極閣

天地風雲外。江山指顧中。登臨話今古。成敗幾英雄。杯酒招屠狗。千金得畫龍。不須草天問。此意已惺忪。

丁未寄子實遼東

簾書囊劍踏山河。白面書生絕塞過。黑海伐冰通鐵勒。黃雲橫地望沙陀。東西遼水征塵急。左右賢王候騎多。爲問北平豪太守。近來射虎意如何。

春日雜感

閒步周庭除。東風方靡靡。桃花開已殘。弱柳眠還起。歲月相迫促。微生且如此。天地相盈虧。萬物各成毀。風引三神山。蓬萊竟誰是。生亦有射死。死亦有一身。不自留。何能問汝爾。悲來且飲酒。被服紈與綺。

寶鼎鍊神藥。不如手中卮。御雲得昇仙。不如無別離。少年不行樂。老至徒傷悲。相見不盡歡。去後空相思。篋下炊屨屨。釜中烹伏雌。今日會高堂。明日逢路歧。江湖多風波。聊醉且莫辭。枯木知秋風。寒霜避晨曦。南箕北有斗。簸揚將爲誰。

君看。臙頭水。嗚咽。無還期。

我生始束髮。便思萬里行。富貴匪所戀。抗懷在功名。十歲學書史。恥以文章鳴。十四學擊劍。十六能談兵。二十負奇節。目空一世。人爾來十年餘。躑躅終無成。材力日苦弱。意氣徒縱橫。優游幸卒歲。已有妻孥情。生不五鼎食。死不五鼎烹。吁嗟明鏡中。搔首令人驚。

古意

羽林。孤兒騎。上頭驕驕。寶馬。吉光。裘燕支。坡上夜燈出。不知買醉誰家樓。玉簫激楚人。何處明月如煙雪。中路高城回首碧。雲邊玉漏淙淙天未曙。歸路笙歌笑語。譁貂裘。暖卸莫愁家。柳市珠光照鴛牒。當筵一笑顏如花。玉條脫。金步搖。蘭澤四溢黃金豪。烏啼月落興不盡。雲屏猶指明星高。座上上客郭翁季。酒罷忻然脫寶刀。寶刀脫手馬前語。明朝射虎南山去。一鈎涼月梧桐井。雲母屏前墮秋影。天街一水望牽牛。雙淚盈盈付萍梗。萍梗。

飄零不自由。上天。下地。總驚秋。秋花那比春花好。一樣人天感。秋早莫道西風。不作寒花意。泥人紅不老。一尊含笑祝花前。今宵月缺。明宵圓。

感遇

寂寞大道旁。樓頭去年柳。暮雨燕雙飛。捲簾人在否。

革命後感事和懷霜作卽次其韻

廿載江湖負壯心。終看吳越歲星臨。血花香溢芬陀利。雄鬼歡呼紂絕陰。士隴王頭爭貴賤。斷鰲立極失高深。他年收拾丹青史。無首羣龍識在今。

神光曄煜起戈矛。一夕功成贖百憂。帳下于思新令尹。刀頭涕淚舊豪酋。江山點綴英雄貴。文字鋒鋞甲楯收。努力前途笑相顧。闐風縹馬覽齊州。

持柄無因授太阿。橫刀健者意如何。人才夾袋搜奇詭。幕府權衡啓別科。奉叔刀環宣令急。准陰鐘室恨功多。馬拉死去丹敦在。矯矯冥鴻奈網羅。

嶒嶮風骨挾霜寒。萬里長風振羽翰。死作伯桃甘共塚。生非張祿厭高官。城門

兔。胃。經。相。識。異。地。歸。元。不。忍。看。却。笑。淮。南。方。士。輩。還。隨。鷄。犬。望。劉。安。
鑿。空。聞。說。到。蓬。萊。引。領。滄。溟。倦。眼。開。三。品。席。珍。虛。鹿。幣。千。金。市。骨。上。燕。臺。干。戈。
擾。攘。滋。瓜。蔓。歲。月。因。循。累。楚。材。辛。苦。司。農。好。籌。畫。莫。令。人。計。誤。天。災。
屢。從。公。誼。見。鋒。棱。無。奈。恩。私。不。自。勝。歸。去。令。威。猶。海。鶴。竭。來。斥。鷃。笑。溟。鴻。幾。番。
意。氣。矜。人。我。一。霎。滄。桑。了。怨。憎。歲。晚。江。天。漫。回。首。夏。蟲。從。此。識。春。冰。
反。兩。投。瓊。事。偶。然。誰。令。腐。鼠。墜。飛。鳶。北。溟。水。擊。三。千。里。南。斗。雲。開。尺。五。天。髀。肉。
動。名。燕。市。馬。雄。心。歸。宿。沃。洲。田。功。人。功。狗。渾。閒。事。贏。得。貞。珉。著。意。鐫。
大。江。東。逝。海。西。流。莽。莽。風。雲。轉。瞬。收。空。見。夫。人。誇。七。首。那。堪。壯。士。惜。顛。頭。奔。棋。
到。底。翻。成。局。築。室。無。因。問。道。周。還。我。中。原。乾。淨。土。微。塵。世。界。任。悠。悠。

胡淑娟女士輓歌

支。机。夜。冷。三。生。石。天。孫。閣。倚。銀。河。泣。慧。光。照。破。切。利。天。小。劫。人。間。夢。不。圓。夢。中。
占。夢。尋。常。事。巫。陽。不。來。心。欲。墜。珊。珊。環。珮。歸。何。許。冷。露。無。聲。鶻。自。語。春。風。頃。刻。

優曼現。鵲語咒春春。幻豔虞歌日。晏流塵多萬歲。千秋可奈何。

譯蒙古軍歌

拔都西征播以入俄迄哥薩無不知有誦之者

可汗如太陽。高高坐東方。威德之所被。煜爲天下光。部屬如草木。小醜加冰霜。草木日以長。冰霜日消亡。太陽有出沒。可汗壽無疆。

惟我大可汗。手把旌與旗。下不見江海。上不見雲霓。天亦無修羅。地亦無靈祇。上天與下地。俯伏肅以齊。何物蠢小醜。而敢當馬蹄。

獅子夜吞月。可汗朝點兵。兵符一以下。千里不留行。壯士得兵符。中夜起秣馬。秣馬望天明。長嘯大旗下。美人送壯士。手把黃金卮。朔風栗以烈。凜凜傾城姿。美人語壯士。此去無濡遲。生當立功名。死當隨鼓旗。無爲作降虜。令我無容儀。壯士拊手笑。何事多言爲。我有七寶刀。礪志與相期。悵望日。以久而今。乃得之。躍馬一揚鞭。去去不復辭。白馬濺赤血。少女施焉支。壯士赴戰場。還似新婚時。馬首入刃林。死士吞生人。馬首塵埃舞。生人驅死士。嗟彼土室人。習短神亦昏。

上天。天無梯。入地。地無門。我命如獵犬。爾命如狐兔。兔走不及林。狐走不及暮。戰場風獵獵。滅裂風淒淒。嗟彼土室人。勇士兒女啼。

濱虹詩選

黃質字質存號濱虹安徽歙縣人今錄詩三首

題朱生君實延齡遺墨

朱生學書兼學畫。向我一一溯流派。筆參篆籀字。樹石行年穉弱氣。超邁虛齋兀坐訥不言。文詞脫手如瀾翻。班馬濃香屈宋豔。妙悟繪事皆同源。佞虛旁行競歐化。變色風雲驚叱咤。學期世用身先瘵。天召修文玉棺下。長別重闌恨若何。煤沈楮暗增滂沱。人生百年亦瞬息。此册留存名不磨。

貴池塢渡湖北坨古松歌爲汪翰友題

髯翁手植黃山松。虬枝夭矯皆如龍。粗盆細盎恣羅列。斗室已孕千奇峯。濱江塢渡湖邊路。浦溆深深宿漁父。中有靈源好避秦。未受秦封松更古。柯葉交加

密不嫌到此。一撚髯翁髯。解衣槃磅坐其下。赤日當午忘梅炎。籤畫軸紛披。久涼陰謾謾。風生肘。霜縑雪楮任揮洒。時喜晴暉落窗牖。今看出岫雲無心。及時沛澤爲甘霖。鱗鱗漫遺化龍去。濤聲留聽鳴瑤琴。清冷莫慨知音少。流水高山寄懷抱。且向松根剛伏苓。服之可駐童顏老。汗漫名山歸臥遊。千株萬株囊中收。撫絃動操得真趣。成連海上吾其儔。

題晴窗讀書圖爲顧某作

東坡善書畫。嘗以畫喻詩。兒童喜形似。所見非真知。愛畫貯一櫥。君家虎頭癡。判關董巨先。巋然百世師。淵源今有自。鑒賞固其宜。作家兼士習。辨別應毫釐。皴斲隸體餘。元氣更淋漓。庸史重粉本。骨力傷茶疲。摹擬豈不佳。貌合神已離。相馬九方皋。休問黃與驪。騰驥得駿足。長坂供奔馳。神物不出世。遇合會有時。明虹麗朝霽。卷軸一紛披。

瘦坡詩選

方廷楷字瘦坡安徽太平人今錄詩十五首

寄寄塵

湖山意氣歸詞苑。兄弟文章入選樓。千里訂交慳一面。徒從紙上識荊州。
我已十年甘隱遯。君猶千里事遨遊。桃潭水與賦溪水。余家賦溪與君家桃花潭一水相通何日
相携共泛舟。

題亞子分湖舊隱圖

自方郭廖

廖字六書正譌及廣韻均作仄聲檢韻收入去聲十二震

遠移家。文采風流信美耶。不識當時吟

索和病人韻。舌押響。慶。

見田山齋移居詩

蠹讀隨園梨里行。半生雅慕作賓氓。如何柳七猶嫌俗。轉憶湖壖舊晏楹。

風景難忘勝秀橋。烟波浩淼脫塵囂。苦搜一幅鷓溪絹。付與雲郎著意描。

圖爲陸子

美所作

厭却風華愛隱淪。春人不作作高人。傳箋豔說分湖好。惹得方千欲補唇。

老我家三天子都。清代洪北江舉秋帆皆以吾鄉黃山爲山經之三天子都奇松怪石冠寰區。不須持較湖

山美。放蜀遊杭學大蘇。坡公遊杭州詩有故鄉無此好湖山之句。

贈孫懋齋先生

焚琴煮鶴矜心計。吉網羅鉗逞詭謀。我數古來忠義士。不遭人害是庸流。
經濟文章第一流。聞名幾度欲依依。投相望百里未相識。慚說交游遍九州。

年來

百寶欄中歌短曲。沈香亭畔製新詩。年來亦有飄零感。燈下重題十美詞。

感春航事寄亞子

飄零一例老江鄉。忍作尋常歌舞場。難得多情柳亞子。苦揮熱淚說馮郎。

題亞子陸郎曲

新詩一曲瀝心肝。苦勸歌壇換杏壇。絕勝當時袁簡老。只知淚別陸才官。

題郭頻伽手寫徐江庵遺詩

徐詩郭字重兼金。一卷君謨燕市尋。此書社友蔡寒

瓊君得於燕市

流轉百年終出世。神州光

怪豈銷沈。社長柳亞子君

正謀釀費刊行

題蛻庵集

蛻庵一集足千秋。萬丈光芒筆底收。海內共傳狂與俠。誰知此老亦風流。

重過南園訪肖黃山長

半年兩度過山莊。小小園林正徜徉。笑語主人花事換。牡丹開後芰荷香。

遁天詩選

呂碧城號遁天安徽旌德人今錄詩十七首

感事

誰更臨風懺落花。枝頭新綠自交加。春迴大野銷兵戟。雨潤芳塍足苧麻。幾輩
闐風閒縹馬。千秋湘水獨懷沙。軟紅塵外天沈醉。願祝餘輝駐晚霞。

游鍾山和省庵

春闌雜樹未凋紅。勝境留人似桂叢。雲意遠。涵疎密。雨嵐光。高受去來風。移文早勒北山北。避地何勞東海東。棋局長安渾不定。只應都付爛柯中。

瓊樓

瓊樓秋思入高寒。看盡蒼雲意已闌。棋罷忘言憑勝負。夢餘無跡認悲歡。金輪轉劫知難盡。碧海量愁未覺寬。欲擬騷詞賦。天問萬靈悽惻繞吟壇。

和白葭韻

兵氣銷平野。春聲動萬家。風高驕燕雀。林杳遁龍蛇。滄海變方始。莊嚴境尙賒。空勞夢懷葛。晞髮話桑麻。

和抱存流水音修楔十一真韻

聞道長安上巳辰。五陵風月屬騷人。風絲花片催詩急。好鳥游魚狎客頻。一曲清流傳勝袂。幾多桑海釀奇春。新亭揮淚真癡絕。莫負芳樽向水濱。

贈李蘋香

採芳人去楚天涼。一片閒情瑣夕陽。卻喜蘋花性清潔。已從風露浣塵粧。

丁巳二月偕諸女伴探梅鄧尉率題十絕以誌鴻雪

玉龍噴雪破蒼煙。躡屩人來雨後天。不惜風霜勞遠道。瓊環同禮九疑仙。
湖光如鏡山如黛。雪簇花團照眼穠。闢作美人湯沐邑。芳畦十里畫圖中。
山河無恙銷兵氣。霖雨功深澤九垓。不是和羹勞素手。那知香國有奇才。
曉風殘雪鬪娉婷。萼綠仙姬竟體馨。底事靈均渾不省。祇將蘭芷入騷經。
仙源不讓武陵多。疎雪纔抽十萬柯。色相窺來銷未得。心頭常貯玉嵯峨。
冷眼人間萬豔空。前身明月可憐儂。人天小劫同淪落。羣玉山頭又一逢。
十年清夢繞羅浮。物外因緣此勝游。欲折瓊枝上清去。可堪無女怨高邱。
清標冰雪比聰明。呼鶴青城證舊盟。爲感芬芳本吾道。山阿含睇不勝情。
筆底春風走百靈。安排禱頌作花銘。青山埋骨他年願。好共梅花萬禩馨。
征衫單薄冷於秋。徙倚疎芳且暫留。後夜相思應更遠。一襟烟雨夢蘇州。

道中偶成

挖足吳孃氣亦雄。筍輿高駕聳危峯。

該處肩輿者多婦女故云

浮生半日銷何處。盡在寒雲

翠篠中。

影廬詩選

汪洋字子實號影廬安徽旌德人寄寓揚州滿清時在奉天主持言論常出西伯利亞而至聖彼德堡辛亥關外革命成功子實之鼓吹與有力焉民國元年來滬上與余同事於中華民國報一見相得遂定交焉淞濱共話閩海賦詩朋輩之中蹤跡最密惟子實一人天乎不弔子實竟以疾逝遺稿擬爲編印困於人事卒卒未能讀影廬詩泔泔淚下矣今錄詩七十六首

敬題安重根先生傳

一彈無餘恨。千秋享令名。側身瞻故國。含笑送平生。英氣常如在。江流夜有聲。松濱試廻顧。憑弔不勝情。

過馬江

游踪又到天南際。閒趁輕航試嫩波。一路江山無限意。淡雲微雨。此經過。

瀋陽客舍遇王濤松

昨宵老友窗前喚。恍見婆婆執酒卮。曉起相逢成一笑。憶來真欲鎖雙眉。君從何處耽歌舞。我在天涯唱竹枝。回首舊游應若夢。連床風雨話當時。

辛亥秋八月夜渡貝加爾湖

偶從林際見湖光。道是滔滔北海長。貝加爾湖亦稱北海。又名菊海。即蘇武牧羊地。絕域何人談往事。中原有客老斯鄉。數聲汽笛驚棲鳥。幾點漁燈落曉霜。欲借揚州二分月。凌波微步水中央。

過烏拉山

同儔飯罷起徘徊。到此營營百念灰。山澗悄從車底出。崖花笑向枕邊開。萬松落日濤聲息。積雪參天暮色迴。買得畫圖置行篋。臥游常對此崔嵬。

車中卽事

萬松拱立車窗外。爲有詩人過此間。野馬駐蹄觀止水。懶雲垂首臥深山。玻璃受雪冰紋見。襟袖欺風屈戍閒。笑問比鄰人似玉。阿儂家住愛而蘭。

渡葉森河橋

傷時有客賦長征。到眼河山次第更。風雪一天饒畫意。江湖滿地惹閒情。貧兒拾芥歸窩集。宿鳥衝寒入太清。極目葉森橋上望。蒼烟如幕不分明。

長春

長春慣奪離人去。惱煞長春春不長。誰分天涯有芳草。更從何處覓歡場。悲涼古驛遲寒月。淒絕名花戴曉霜。相見何如不相見。前因後果總荒唐。

開原道中

晚霞紅紫鬪芳菲。夕照盈盈入翠微。却怪輕塵太多事。緣何輾轉撲征衣。

長春雜感

今夜月明何處秋。秋風無語獨登樓。年光不再悲流水。錦瑟無端織暮愁。大漠風沙孤雁叫。津門歌吹玉笙柔。遼天萬里音書絕。自掩殘燈被擁頭。

哈爾濱中秋

每從客裏度中秋。烟雨松江處處愁。出塞琵琶同感慨。泥人歌舞自溫柔。千家爆竹閒中聽。一寸河山眼底收。老淚縱橫鄉夢切。可憐王粲獨登樓。

中秋雨後得月

中秋何故偏無月。玉宇瓊樓意不平。偶撥濃雲呈素面。頓教大地湧金城。一天風雨垂頭去。無數兒郎拍掌迎。笑問吳剛知也未。去年花下結深盟。

瓊林別墅晚眺

登樓望秋水。水色遠連天。暮雨隨風舞。江魚入網鮮。片帆雲樹外。濁酒管絃邊。無限滄桑感。相思一黯然。

夜過鄂穆斯克驛

大地皤然白。江山一望平。孤松矜瘦影。寒月挂新城。汎濫離人淚。低迴故國情。鬢絲嗟已老。何處覓長生。

送小柳兼懷津門諸友

滬江春水愁如許。又送離人事北征。簫鼓一庭牽舊恨。頭顱千載悞虛名。津沽老伴欣無恙。湖海狂生忒有情。爲問菊花安適否。夜涼莫漫舞衣輕。

送王厚齋之雲南

數年相慕不相識。才得相逢又別離。始信江湖多遇合。莫將黍菽誤年時。鼓山寒月催歸思。馬尾清流浣淚絲。却笑一天風雨急。有人鷓蚌正相持。

蒼霞洲梅生席上

隔岸山光入几筵。主人好客客如仙。水夫俯汲愁新漲。野鳥翻飛羨晚鮮。靜坐頓忘身外事。笑言莫悟意中禪。詩情酒債都無賴。一入歡場一惘然。

題亞子分湖舊隱圖

寄語松陵舊釣徒。每從夢裏說分湖。煙波浩淼幽深處。省識人間柳亞盧。
生小湖鄉獨占春。曉風殘月憶前因。何時買得扁舟去。願與詩人結比鄰。
一幅雲烟墨未乾。春風無賴百花殘。陸郎顏色分湖水。都作模糊涕淚看。

游鼓山四律示同游諸子

曉起出城郭。肅焉如早秋。市人揉睡眼。榜女尙蓬頭。拂袖憐新綠。登高憶舊遊。
山靈應笑我。何事作浮鷗。

東際橋邊水。殷勤作咽聲。此行天上路。應少世間情。石磴穿雲出。松楸夾道生。
笑言一迴顧。縹緲是江城。

佛殿鳴鐘鼓。山深四月寒。開堂談聖箭。喝水憶迴瀾。苔蘚侵碑字。煙雲絕羽翰。
頗聞登大頂。峩嶇有奇觀。

重來期後約。歸路思綿綿。飛瀑依人落。山花著意妍。雙輪分逝水。急雨灑平川。
又入塵囂裏。詩成自惘然。

浣紗

浣紗小妹豔如花。結伴歸來笑語譁。生怕旁人知住處。故留鄰舍不還家。

雜詩

丰度端凝出大家。可憐海上數芳華。天涯風雨飄零甚。誰識璇宮一樹花。
何人天末寄相思。燕子歸來正及時。姊妹試騎金勒馬。紅閨兵略亦權奇。
謝絕鉛華事北堂。細求食性作羹湯。誰知夫婿心情別。頗愛風流時世妝。
年來心事幾人知。學畫蛾眉也入時。畢竟冶容重謠詠。迴身且傍最高枝。
海上仙山隔下方。伊人宛在水中央。只緣阿母持家範。忍使蘭閨別夢長。
高樓臥病翠眉顰。多少痴兒事鬼神。儂自聰明絕迷信。只將良藥配君臣。
頗聞主婦善持家。教養兼施靜不譁。閒向雲津橋上望。平疇十里盡桑麻。
鳳詔遙頒出九重。路人盡羨五花封。春明舊夢渾難記。淡掃蛾眉一笑逢。
纔慟離鸞別鵝飛。又傳阿母忽相違。捨生殉節庸人事。蓮步珊珊且大歸。

空谷幽香好護持。此生已分守葳蕤。秋風紈扇都無賴。怕讀淒涼棄婦詞。
瀟瀟風雨楚江秋。中饋無人覆水收。巾幗居然能吐氣。男兒底事覓封侯。
不堪滄海已成塵。檢點殘膏忒苦辛。終是溫柔能解事。琵琶一曲許和親。
花底流鶯百轉嬌。泥人春色總魂銷。由來紅粉收豪氣。依舊飛瓊上碧霄。
自憐清淨女兒身。未許漁郎再問津。從此愛河風浪作良宵。多少不眠人。
闌外奇謀建異功。美人能戰出吳宮。風雲龍虎英雄氣。都付迴眸一笑中。
六街豔說錦標投。萬衆爭春水狀頭。贏得一聲歸去也。東風無語落花稠。
女兒心地太聰明。百事殷勤訪舊名。妝罷問郎郎不語。教人思古發幽情。
偶然風雨起庭除。柳頭花嬌總不如。無奈暗藏金約指。兩行情淚溼婚書。
清輝玉臂怯宵寒。多謝君王帶笑看。一自馬嵬音問絕。何來竹素報平安。
雙樓信誓總荒唐。海外仙人進藥方。四萬八千齊俯首。衆香國裏拜花王。

入門一笑便心傾。眼角眉梢百態生。欲使紅箋留姓氏。似聞小語隔簾旌。花間
攜手嬌無那。袖底傳書忒有情。回首在山泉水意。十年不字女兒貞。

馬江晚泊

一幅天然畫。滄江晚泊船。波光隨鳥逝。暮色與山連。處處烟生竈。聲聲浪打舷。
隔舟爭未息。爲數賣魚錢。

和霽青

無限悲涼意。都歸一笑中。大江流日夜。飛羽落晴空。客况催華髮。孤懷掠晚風。
勸君莫於邑。斯世本飄蓬。

病中感事

百憂身世感浮沙。四海修羅瞰月華。相斫一書成笑史。合歡雙蒂證空花。情天
漫握兜綿手。濁世猶存古德家。倚杖狂吟天地窄。白蓮峯上聽頻伽。

西湖卽事

石欄繞水自淒清。幾點荷錢任意生。遠岫暮煙籠晚翠。隔湖嬌鳥報初晴。飛虹橋畔輕舟繫。大夢山頭夕照明。一望平疇新綠遍。天南白傅有賢聲。

壽靜仁先生四十三初度卽步原韻

謝公霖雨蒼生望。失笑東山處士多。白傅流風猶想像。紫陽遺愛未銷磨。好將春酒歌眉壽。願把精誠却衆魔。長揖登堂獻詩句。不須痛飲已顏酡。

感事卽用前韻

無端哀樂緣何事。如此江山感慨多。老我風塵同嘯傲。輸他人海儘銷磨。低廻舊雨牽心曲。檢點殘書逐睡魔。回首少年豪氣盡。酒痕夢影記微酡。

傷瓶

愛知名產出安藤。記否離宮玉手承。入夢奇花香欲活。照人秋色豔于冰。豆萁相糞卿何罪。桃葉同歸我未能。留得爪痕見貞固。此心猶是水波激。

和克安西湖原韻

出郭無心逢好景。款秋有約訂前朝。落花繞屐僧歸寺。夕照依山人渡橋。一笑未能容出世。此鄉大可送無聊。遙知今夜西冷畔。小柳臨風舞瘦腰。

寄蹇公鍾祥卽步原韻

美人天末相思苦。遠道書來認轉疑。殘月曉風懷舊夢。湘蘭芷沅有同悲。韶華易逝驚彈指。世事如斯懶縐眉。記否西窗聽夜雨。商量險韻鬪春詞。

白露黃粱熟和靜仁先生

白露黃粱熟。開眸識大謬。羣陰隨日化。老榦出雲孤。漢將常餐苡。唐生不買珠。升沉都一笑。歸釣四腮鱸。

和克安題贈雅集梅枝山館小影

不事鉛華自有真。好將明月證前身。去年今日閩江上。風雨同舟此四人。

送汝川歸皖

聞道蓴鱸美。秋風送客歸。驚心成小別。握手已相違。墨翟悲絲染。淵明識昨非。

辭官應是福。朋輩總依依。

克安暫去榕城賦此誌別

衰朽殘年感盛時。記從江上訂歸期。何堪風急舟先發。吹破離亭笛一枝。客裏秋光又一年。此鄉何處着纏綿。西湖風月都無價。辜負旁人作浪傳。遙知冠蓋滿京華。沈醉鈞天未有涯。人事倉皇誰管得。東籬爲我問黃花。秋老江湖白浪低。論交十載自東西。何時携手黃山頂。細數平生一笑啼。

靜仁先生命和送克安之京原韻

送客河梁憐小別。蒼霞洲畔月輪高。淒涼野色迷三縣。憔悴年時上二毛。並世交情誰落落。遺生文酒得陶陶。臨歧不作辛酸語。且和新詩寫薛濤。

月夜渡海寄懷春申諸子

海上看明月。秋光到眼頻。吐吞宏有量。梳洗淨無塵。檣影遮燈塔。波光上錦茵。只餘離索感。枯坐不知晨。

碧水

碧水無情甚。滔滔送客行。微雲接天海。初日作陰晴。一髮山痕在。孤舟別意生。故人應念我。爲數去時程。

藤榻謠

由滬之閩。趁大阪會社之湖北丸。船橋甲板置藤榻數事。爲一等船客設也。船客某君畏浪。方臥。奴來逐客。謂船長將至。客置不理。奴亦逡巡。自去。作藤榻謠記之。不必示大阪主人也。

昔聞大阪重船客。今知湖北重船員。船客苦暈不復顧。船員醉飽只知眠。奴來逐客讓藤榻。意謂不讓船長。嗔須知船長所食肉。亦是船客所出錢。

閩口待潮

維舟近陸待潮生。到眼青山總不平。帆與野鷗爭上下。身隨孤棹臥滄溟。船人聚語諸方集。估客思歸一夢成。湖海十年飄泊慣。今宵又喜宿榕城。

重來閩海見市政修明闌闌喧溢奉寄前巡按使秋浦許公

一時興築怨嶽崎。千載康莊任對馳。民可圖成難與始。治能知本不須疑。煦涵聲教文公化。灌溉湖田白傅思。更向名園看手澤。清明植樹已垂枝。

觀閩侯農產共進會

萬人空巷豈荒嬉。賢宰臨民苦費思。立國以農探治本。相觀責善合天宜。搜來嘉穀占豐歲。採得新茶備賦詩。除却此州知稼穡。羣兒只解弄旌旗。

林惠亭招飲宛在堂卽席口占

宛在堂前酒一卮。兼葭秋水寄遙思。故人情重殷勤問。風景何如君去時。

過省立第四小學訪蔣博如

到門方躑躅。堂上有絃歌。樹木已初長。積書比昔多。聲名因實至。教學得天和。孟晉無涯涘。先生意若何。

連夕祝芷生李心莊龔穎叔章拱北俞覺誠費叔遷諸君招飲於吳氏之

半野軒園林新築得地頗佳昔年去此時猶未落成也

五畝園亭十畝池。西風吹盡柳絲絲。屏山黛色青如許。渡水穿林入我詩。

許翹謙招飲雙驂軒卽席口占

在昔曾游此。開軒多好風。卜居無熱客。結伴有寒松。撲地人家遠。連天竹樹叢。重來一臨眺。不覺夕陽紅。

贈梁摯蘇

去來江上送迎忙。故舊情深感不忘。一別驚心兩惆悵。桃潭風義讓君長。

閩海舟中寄懷王叔梅

一粟浮滄海。飄零已半生。不消游子感。難受故人情。風暖歸帆穩。秋高白浪平。寄書賢令尹。猶憶勸農聲。

歸途奉懷閩中諸友用去歲留別閩中諸友韻

海南重見又相離。我本天涯唱竹枝。十日平原留不醉。能飲一簾飛瀑看何時。

與陳荔庭有游方
廣崖之約未果
秋風東郭尋幽徑。夜雨西窗漲曲池。莫怪此鄉能戀客。江山
如畫落花遲。



南社叢選

詩選卷十二

涇縣胡韞玉樸安選錄

寄塵詩選

胡懷琛字寄塵余季弟今錄詩七十四首

詠史

金粉樓臺付劫灰。尋思往事有餘哀。貪歡夢夢人如醉。種禍沈沈此是胎。因果要無半毫爽。盛衰長作一輪回。欲除世上兵戈慘。先剗胸中殺氣來。繁華一夢已成塵。風露沙場最苦辛。烽火世爭傳浩劫。戮屠誰早見微因。可憐人意難忘殺。未必天心太不仁。待與衆生參妙諦。眼前時事試披陳。

雜詩

美人怨遙夜。起坐彈鳴琴。一唱再三嘆。惜哉無知音。啼螿知天寒。落木知秋深。對此感遲暮。悽惻傷我心。

答鈍根

一紙三年事。能知別淚多。秋殘吳淞雨。木落洞庭波。避世計亦得。懷人意若何。孤燈昏病眼。此簡幾摩挲。

贈日平

一病頽唐臥晚秋。勞君親自慰予愁。何當一棹同君去。分付幽憂與白漚。

病中至徐家花園

如何戚戚抱離憂。分付膏輪半日游。垂柳數行黃晚照。孤花一蕊瘦深秋。暫來曝病意亦適。偶此成吟詩自幽。眼見園林有衰盛。恐園已易主當知身世是浮漚。

題亞子分湖舊隱圖

寂寞荒江一病未。故人有字慰愁軀。十年我作離家客。惆悵分湖尺幅圖。

題董小宛小影

李香俠義真奇絕。如是眉生亦特行。指勸錢駿殉國事萬口滄桑傳豔事。滄桑豔事諧陳圓圓事

誰知銅雀鎖雙成。

近人引吳梅村詩證順治董妃卽小宛蓋當日實未死乃被擄入清宮也

題馬小進居庸關秋望圖

絕壁懸厓扼形勝。亂鴉衰草閱興亡。居庸關上悲秋客。匹馬西風意莽蒼。

雜詩

明月無老少。萬古常如茲。皎皎當中天。夜夜揚清輝。忽被大地妬。纔盈便使虧。雖曰有圓時。常圓不可期。借問此缺恨。茫茫何時彌。

太白久已死。子美今不生。空留一卷詩。寂寞身後名。悲哉郊島輩。三年兩句成。苦吟豈不勞。各以宣其情。秋蟲與春鳥。安能已其鳴。

暮秋寒信至。長空悲風號。浮雲何慘淡。落葉亦蕭蕭。行役一萬里。游子豈不勞。中夜思故鄉。涕淚沾巾袍。

示善之

心地痴頑詞旨悽。搜神志怪未爲奇。要知史亦參疑信。底事文成雜笑啼。落拓

孤。心。豈。終。沒。苦。辛。舊。事。莫。重。提。千。家。爭。說。虞。初。志。別。有。艱。難。誰。識。之。

蔣萬里以近作見示多慷慨激昂之作予學詩不善此今效其體爲二章

贈之

蔣子名萬里。前途何其長。何爲久鬱鬱。蟄居窮愁鄉。有時獨悲歌。意壯詞激昂。有時夜起舞。神劍吐光芒。立功志未死。攬鏡鬢未霜。朔方正有事。班張母久藏。會當靖邊塵。聲名播八方。

隆冬氣肅殺。蕭蕭北風寒。易水終古流。不見荆軻還。慷慨獨長征。策馬越關山。堅冰凝狐裘。積雪沒雕鞍。回憶江南樂。豈不心悲酸。丈夫有懷抱。志在斬可汗。不然仗神劍。慷慨誅阿瞞。安得守故鄉。蹉跎凋朱顏。

寶劍篇

寶劍有奇氣。斂之不能藏。化爲一丈虹。耿耿夜有光。我曰劍負汝。不能用所長。曷去化鐵硯。靜默而甯康。不然化金釧。絢爛助明妝。劍曰豈不知。天性難更張。

况復恩與怨。朝朝不能忘。十年吾事成。飛去投洪荒。

送亞子歸梨里

江鄉木落晚秋寒。送客江頭淚暗彈。十日匆匆成聚散。兩人各各有悲歡。商量
借隱謀非錯。謂君檢點逃禪事亦難。謂自風雨瀟灑天意惡。勸君歸去強加餐。

贈陳蛻庵先生

先生買棹作南旋。我爲饑驅困市廛。羈旅相逢多難日。盛衰深話晚涼天。撚鬚
覓句得佳趣。忘齒論交到少年。一局殘棋未堪問。感時傷別各淒然。時先生令

海上雪

天上羣龍戰鬪狂。玉鱗瑤甲亂飛揚。萬家息動歸閒寂。一鳥衝寒入渺茫。冷壓
樓臺危欲墮。皓欺燈火薄無光。披裘獨往爲何事。贏得詩添長吉囊。

書感追送亞子歸梨里

文將紓困計全非。酒以排愁力已微。孤憤待暄還自寂。故人難聚况今稀。謂亞

庵
天涯黯黯看春盡。海上年年送汝歸。此去知君足消遣。秋山十幅列屏幃。

春夜

綠紗窗外雨瀟瀟。獨擁重衾睡不牢。萬斛春愁夜如水。隔牆誰弄一枝簫。

贈尊農

阿儂性靈巧。姊妹稱針神。吳市買綾羅。親裁六幅裙。雙雙繡蝴蝶。不憚夙夜勤。縷縷是心血。愛護如寶珍。一朝廚竈冷。含羞出示人。君道羅裙好。千金價不論。君知羅裙好。知否儂苦辛。

暮春野行

宿雨。昨宵霽。萬木淨如洗。遠山含朝曦。綠入書窗裏。折柬招良朋。出門著芒屨。莫坐斗室中。悲懷無時已。

野行多佳趣。風光隨處好。桑麻綠成陰。叢竹礙飛鳥。著雨麥苗垂。入夏菜莢老。斷石誰家墳。一半埋芳草。人去獨碑存。碑亦難長保。俯首有所思。孤懷不能道。

八月三日屏子昆季同日結婚攝影命題爲綴一絕

疎雨微風菡萏香。未寒天氣恰初涼。一奩秋水澄如許。印出鴛鴦雙復雙。

雨平招飲憶亞子

葡萄美酒色深紅。銀杓晶盤炙鯉熊。燈火管絃歡未已。淒然忽憶柳河東。

春暮集樸學齋和巢南

不定陰晴日易斜。江南三月落櫻花。殘英片片飛紅雨。一盞深深泛碧霞。小紱故人聊自樂。且供春筍未爲奢。誰知冷醉閒吟輩。別抱傷心未有涯。

亞子囑題子美集

苦辛寫此春痕集。餘瀋淋漓到陸郎。一樣聽歌各情緒。眼前人事有滄桑。春航集成

於去年夏初子美集成於今年春暮相去一年世事已變幻如許矣

寄楚儉

飛觴市樓有人醉。閉戶病榻無客過。酒盞藥鐺各狼藉。殘春一例夠消磨。

題蔣萬里振素盦詩稿後

足跡半中國。棲身地竟無。可憐無俗骨。宜汝作寒儒。耿耿寸心苦。茫茫吾道孤。短詩題卷尾。珍重話歧途。

清愁

清愁來何方。夜半襲我懷。披衣起躑躅。誰知肝腸摧。皎皎孤月明。蕭蕭北風哀。歲月一何速。逝者不復回。蹉跎復蹉跎。坐使朱顏衰。

贈孟碩

天地一囚獄。萬古閉不開。豈必君至此。始爲縲紲羈。一自國政亂。誰念小民哀。中州患烽火。四方苦饑饉。老弱多死亡。少壯亦流離。化日不可覩。但見風雨淒。迎君囹圄外。欲言已無辭。

春日寄家兄閩中

薄酒成孤坐。輕寒悵遠離。潮生殘夢白。日落暮愁低。海扇占春信。閩小記曰海中有物形如

扇文如瓦屋。惟三月三日潮盡。乃見名曰海扇。仙芽問武夷。芳蘭偷能遺。相答寄楊枝。閩中少柳

春柳

去年見汝凋零日。轉眼枯枝已向榮。雙鬢鏡中更憔悴。低徊對此感勞生。

贈亞子

海角重逢已隔年。偶談往事一凄然。風流銷歇何須說。謂春航遠游子美去世地覆天翻在眼前。

贈王均卿

東晉風流數大家。至今子弟擅才華。蘭亭筆寫通明奏。乞借春陰爲護花。斗方絳帕寫柔毫。一種風懷自可豪。不減君家當日事。旗亭畫壁鬱輪袍。

乙卯雜詩

蝸角潛居事底干。樓臺一寸且偷安。滔天風浪從東至。草閣難支五月寒。五月江深

草閣寒前人句 五月者吾人所謂五月九日也

眼前景物已荒涼。一夜清霜百草黃。鶯粟萬花還滿地。西風低首禮中郎。萬朵紅蓮

禮白蓮昔人句中郎指蔡伯浩也。中國百政不振惟禁烟差有可觀而伯浩乃議行雅片印花稅是衆芳消歇之餘而鶯粟猶盛也。

當時萬紫與千紅。畢竟春華過眼空。底事東皇歸去後。孤花還不避狂風。指沈佩貞

事當民國建設之初正女權發達之日畢竟只有春華而無秋實宜乎千紅萬紫過眼成空而春餘孤花猶自與風姨爲敵花固不量而風亦無情哉

西來象教幾千年。出世何人了萬緣。往事風流說東晉。十方名士聽談禪。指都門士

大夫歡迎絳
間顯珠事

孤竹清風記往年。古今誰比伯夷賢。癡獸名士輕天子。一任人嗤值幾錢。某子

有言吾本名士豈有作天子之想名士是何物值幾文錢耶秦淮妓女語見板橋雜記

有人攬古一登樓。歷歷興亡滿目秋。千古美新留話柄。西京才子說揚劉。按晉

談持塵尾名曰談柄後人遂假借爲故實之稱亦曰話柄揚雄劉歆拈哲子申叔也

美人

六寸圓膚雙綰髻。大家踏步豈尋常。若非吳越鍾靈秀。一種丰神已過剛。

荻花楓葉

荻花楓葉只尋常。美酒葡萄亦激昂。第一婀娜龍女筆。最難莽蒼上寫錢唐。

爲高吹萬題寒隱圖

幽人無俗懷。厭世每獨往。結廬在山邱。地僻志疏廣。虛室絕塵囂。冷冷竹露響。戶樞蒼苔封。浮月窺書幌。秋花能耐寒。元音祇自賞。枯極靈性現。靜至道心長。此中有清福。微君誰得享。嗟我長征人。何時超塵網。

爲湯磷石題鴛湖垂釣圖

超然絕塵想。寄懷水雲鄉。垂竿釣落葉。一蓑披斜陽。天機靜自悟。所志非鯉魴。笑彼垂綸叟。逐逐爲魚忙。

簡蛻庵老人

記得探梅曾有約。偶然睽隔又旬盈。不知聽雪圍爐坐。撚斷吟髭第幾莖。

贈王漱巖

不見王摩詰。于今已兩年。市樓一日聚。話舊倍淒然。但有人如酒。用如飲醇醪故事何妨屋似船。明朝便分手。珍重贈斯篇。

次韻和漱巖并示堅白

文字東南剩此壇。零篇斷句付誰看。同羈湖海三千里。難話興衰一萬端。姓氏存亡他日事。琴樽徵集此時歡。市樓不識炎天熱。自笑平生詩骨寒。

觀雨

高樓縱遠目。雨勢在東方。秋意颯然至。塵襟爲一涼。天光青黯黯。海氣白茫茫。安得雙羽翼。便欲凌風翔。

佳人

佳人來何許。道是邯鄲倡。粉豔花無色。珠明月斂光。短歌自蒼老。細語最淒涼。腸斷不能飲。誰教汝侑觴。

和鷓鴣韻學宋人

一燈延月入深廊。曾覺秋宵漸漸長。寒蟬悲風心萬里。敗荷涼雨劫千場。已憎硬飯侵衰胃。况耐艱詩苦澀腸。敢道諸緣都懺盡。難言深意只微茫。

題孫阿瑛清宦祕史

清初故事紅樓夢。清末遺聞擊海花。一卷興亡魑魅董。宋人有書曰鬼董阿瑛當是第
三家。

與仲兄夜話

兄弟相看羈旅日。禿毫短燭寫殘詩。隔江依約聞絲竹。往事悽辛話亂離。黃浦月明萬營肅。自吳淞至砲台灣徧地營帳皆北來兵隊白門秋老一城危。苟有事者金陵必當其衝茫茫大劫無終始。輪轉興亡到幾時。

題武林遊草寄石子

君言此是新遊草。示我低徊讀一回。對景懷人還感事。管教哀樂一齊來。

哀青島用十四寒至一先韻此三韻古相通

浩浩渤海水。悠悠膠州灣。林木何蔥鬱。山巒亦藐綿。乃有木屐客。見之長流涎。便將一角地。奪入囊橐間。世無魯仲連。誰復爭之還。鬱鬱秦岱青。沈沈夕照殷。悵望田橫島。烟水空迷漫。

擬錢允輝過江詩

明錢允輝曄有過江詩云三國舊愁春草碧六朝遺恨晚山青哀而不傷最爲可誦惟兩句只是一意稍不足耳余於己未三月亦渡瓜州至維揚因作此詩寫示傅君君劍高君吹萬家兄樸庵時三君方自金焦歸也

扣舷何事費低吟。舉目蒼茫感喟深。六代江山留畫本。一天風雨入詩心。眼前已見金甌缺。指鎮江租界水底難尋鐵鎖沈。怕是蛟龍聽詩出。浪花如雪濕衣襟。

中央公園

金瓦瓊樓舊帝鄉。當年春夢付殘陽。至今能與民同樂。到此方知塵不揚。一角

春明聚裙屐。

春明館

四朝老柏識興亡。

國中老柏婆娑元明物也

園林曲折尋常事。落落如斯

自大方。

小病一首

偶然臥雨守胡床。一病蕭蕭鬢已蒼。衣角紋生千縷皺。硯凹霉積一分長。脾傷漸畏新茶烈。腦損能教熟字忘。強爲驅饑出門去。吾行何往亦茫茫。

聞李定夷言校書王小蓮事且云欲撰爲說部命予題詞感而賦此卽調

定夷

柳毅楊娼有定評。樊南才調舊知名。

柳毅傳楊娼傳唐小說名以比定夷諸作

底緣春水于卿事。一

傳淒涼續小青。

小蓮事略與小青相類

題昭容集爲太侔老蘭賦

大千色相本來空。筆墨偏多點綴功。留與後人談劇故。風華相像陸昭容。

初秋聞雨

兩鬢蕭蕭雨一牕。病眸強斂背銀缸。太空浩漫渾疑海。大地浮沈便是纒。

寄仲兄都門

短筆寥寥語已稀。欲言無盡暗相依。應時略寫江南景。黃浦秋潮蟹正肥。

早春野行

早春猶是怯餘寒。寂寞林巒睡未殘。此語本冬山如睡絕愛靜中有閒意。枯枝凍雀耐

人看。

歸夢

莫道火輪速。歸夢猶過之。不作同方行。而作背道馳。夢魂幾往還。車行猶遲遲。日出泰山曙。天寒燕草衰。車行何時已。客愁無盡期。

集陶淵明句

歲月不待人。涉暑經秋霜。蕭蕭哀風逝。荒草何茫茫。古時功名士。今宿荒草鄉。有生必有死。憶此斷人腸。王母怡妙顏。萬歲如平常。

登高餞將歸。迢迢百尺樓。山川一何曠。宇宙一何悠。四面無人居。惟見古時丘。且進杯中物。忘彼千載憂。

昭昭天宇闊。淡淡寒波生。懸崖歛餘暉。歸鳥趨林鳴。四時相催迫。倏如流電驚。不見相知人。終以翳吾情。

靡靡秋已夕。亭亭月將圓。佳人美清夜。取琴爲我彈。清歌散新聲。甯效俗中言。衆蟬無歸響。紛紛飛鳥還。含薰待清風。榮榮窗下蘭。

栖栖失羣鳥。去去當何極。出門萬里客。遙遙從羈役。淒淒風露交。柯葉自摧折。靜念園林好。安得久離析。

負廁頽簷下。何以稱我情。委懷在琴書。遂與塵事冥。酒能祛百慮。杯盡壺自傾。孰若當世士。但顧世間名。

微雨洗高林。澗水清且淺。虛舟縱逸棹。我行未云遠。此中有真意。悠然不復返。人生似幻化。知有來歲不。念此使人懼。及辰爲茲游。崎嶇歷榛曲。悠悠迷所留。

故老贈余酒。酒云能銷憂。得歡當盡樂。吾行欲何求。

集李長吉句

莎老莎雞泣。閉門感秋風。秋風吹小綠。細露濕團紅。燈青蘭膏歇。宵寒藥氣濃。三年去鄉國。神劍斷青銅。

蕙蓀詩選

胡惠生字蕙蓀。余伯兄之子。今錄詩十六首。

題亞子分湖舊隱圖

無限蒹葭意。殷勤對此圖。文章傳午夢。勝地說分湖。春水烟波活。秋風雨笠孤。亞子索子美畫分湖舊隱圖有耦耕倘遂他年約雨笠烟蓑過此生之句茫茫雲萬頃。天地一茅廬。

南游吟

維月正元日。胡子作南游。南游何所之。泛棹來閩陬。飄零非吾道。斗粟詎素謀。乃爲飢寒故。忍作天南囚。蠻語生鄉感。殊俗惹客愁。因之動中懷。遙念萬里悠。

重堂老人星皓皓。已白頭。未能供甘旨。反累倚閭憂。雙親雖云健。已屆四十秋。有弟殊幼弱。有妹尙嬌羞。何事尙棲遲。不泛歸來舟。耿耿寸草心。引領涕泗流。

贈王亦梅

飄泊來南國。客途喜識君。文章敦夙好。詩酒見情真。世事憑陵劫。孤懷寄落塵。西湖風景好。何日理絲綸。

題二十二歲小影

廿二年來電度身。教從何處識情根。殷勤拍箇留真像。待與靈山證夙因。

偶作

歲歲長游困濁塵。靈山何處證靈根。文章功業浮名誤。悔作聰明了解人。

次韻呈小柳

排愁解悶酒爲兵。治亂漫聞怕夢驚。堪笑爛羊皆錄爵。可憐屠狗盡成名。憤來舉世都宜殺。悲極餘身不羨生。大劫茫茫來日到。扁舟何處聽漁更。

1016
101687795

卷十二終



中華民國玖貳年拾月貳壹日贈送



國家圖書館



002554450



線

830.8

8473

v. 11

舊籍